



## UGOVOR o javnoj nabavci čeličnih fittinga

Ugovorne strane:

KJKP Sarajevogas d.o.o., ul. Trg Fadile Odžaković Žute br. 4, Sarajevo

Koga zastupa: Direktor Preduzeća, Mr.sc. Nihada Glamoč, dipl.ing.maš. (u daljem tekstu: Kupac)

i

Unis Fagas d.o.o., ul. Rajlovačka bb, Sarajevo

Koga zastupa: Direktor Alen Gradašević (u daljem tekstu: Prodavac)

### Član 1.

Predmet ovog ugovora je nabavka čeličnih fittinga, po konkurentskom zahtjevu za dostavljanje ponuda broj KN 05-28/17. Prodavac je dostavio ponudu prema obrascu za cijenu ponude, ANEKS III, koji je priložen uz ovaj ugovor i predstavlja njegov sastavni dio.

### Član 2.

Ugovorna vrijednost robe iz člana 1. ovog ugovora bez PDV-a iznosi: 49.915,27 KM (slovima: četrdesetdevećiljadadevetstoptnaest i 27/100 KM, a jedinične cijene su specificirane u prilogu ovog ugovora, Aneksu III, i čine njegov sastavni dio.

### Član 3.

Prodavac će robu iz člana 1. isporučivati prema obrascu za cijenu ponude, Aneks III, nakon zaključenja ovog ugovora. Ugovorne strane su saglasne da se kvantitativni i kvalitativni prijem isporučene robe izvrši od strane ovlaštenih predstavnika svake ugovorne strane u skladištu Kupca. Obaveza Prodavca je da uz svaku isporuku robe dostavi tvorničke ateste i certifikate za istu prema standardu EN 10204-3.1. Krajnji rok za isporuku robe, nakon svake pojedinačne narudžbe je deset (10) dana.

### Član 4.

Prodavac će obračun isporučene robe vršiti po jediničnim cijenama iz priloga, Aneksa III, ovog ugovora. Kupac će plaćanje izvršiti nakon prijema robe i u roku od 30 dana nakon prijema uredno ispostavljene fakture na transakcijski račun naznačen na fakturi Prodavca.

### Član 5.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u ispunjavanju njihovih ugovornih obaveza.

### Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.



#### Član 7.

Prodavac je u obavezi da u roku od deset (10) dana nakon dobivanja narudžbe od Kupca izvrši isporuku tražene robe. Za svaki dan kašnjenja u isporuci Kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

#### Član 8.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

#### Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

#### Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

#### Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

#### Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupcu pripada 3 (tri) primjerka a Prodavcu 2 (dva) primjerka.

#### Član 13.


Sve nespornosti do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Prodavca:**

  
Direktor Alen Gradačević

Broj i datum ugovora, 002/18  
15.01.2018.

**Za Kupca:**

  
Direktor Preduzeća  
Mr. Nihada Glamoč, dipl.ing.maš.

  
Izvršni direktor  
Mr. Mehmed Mehović, dipl.oec.

Broj i datum ugovora, 11/18  
15-01-2018